

**FRAMSELD REGLUGERÐ FRAMKVÆMDASTJÓRNARINNAR (ESB)
nr. 2015/850****2020/EES/50/27****frá 30. janúar 2015****um breytingu á framseldri reglugerð (ESB) nr. 241/2014 um viðbætur við reglugerð Evrópuþingsins
og ráðsins (ESB) nr. 575/2013 að því er varðar tæknilega eftirlitsstaðla fyrir kröfur vegna
eiginfjárgrunns stofnana (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 575/2013 frá 26. júní 2013 um varfæriskröfur að því er varðar lánastofnanir og verðbréfafyrirtæki og um breytingu á reglugerð (ESB) nr. 648/2012 ⁽¹⁾ einkum þriðju undirgrein 5. mgr. 28. gr.,*og að teknu tilliti til eftirfarandi:*

- 1) Útstreymi úr eiginfjárgrunni ætti ekki að vera hlutfallslega of mikið, hvorki að því er varðar útgreiðslur vegna einstakra almennra eiginfjárgrunnsgerninga þáttar 1 né heldur að því er varðar útgreiðslur sem tengjast heildareiginfjárgrunni stofnunarinnar. Því ber að skilgreina hvað átt sé við með hlutfallslega of miklu útstreymi úr eiginfjárgrunni með því að setja reglur sem ná yfir báða þessa þætti.
- 2) Fyrirmæli um mögulegt hlutfallslega of mikið útstreymi, sem sett er fram í b-lið 5. mgr. 28. gr. reglugerðar (ESB) nr. 575/2013, ná ekki til gerninga sem falla undir 27. gr. þeirrar reglugerðar þar eð þeir njóta undanþágu skv. iii. undirlið h-liðar 1. mgr. 28 gr. þeirrar reglugerðar.
- 3) Sú merking sem gefin er forgangsgreiðslum ætti að byggjast á eiginleikum gerninganna sem endurspeglar kröfurnar í i. lið h-liðar 1. mgr. 28. gr. reglugerðar (ESB) nr. 575/2013 um að engin forgangsgreiðslur varðandi röð útgreiðslna eða annar forgangsréttur ætti að vera fyrir hendi, þ.m.t. forgangsgreiðslur vegna almennra eiginfjárgrunnsgerninga þáttar 1 í tengslum við aðra almenna eiginfjárgrunnsgerninga þáttar 1. Að því gefnu að í i. lið h-liðar 1. mgr. 28. gr. reglugerðar (ESB) nr. 575/2013 sé greint á milli forgangsréttar útgreiðslna og forgangsréttar varðandi röð útgreiðslna ættu reglur um forgangsgreiðslur að gilda í báðum tilvikum.
- 4) Mismunandi reglur ættu að gilda um almenna eiginfjárgrunnsgerninga þáttar 1 hjá stofnunum sem um getur í 27. gr. reglugerðar (ESB) nr. 575/2013 („félög sem eru ekki hlutafélög“) þegar það er réttlætt með sérkennum gerninga með atkvæðisrétti og gerninga án atkvæðisréttar. Þegar aðeins eigendum gerninga með atkvæðisrétt er heimilt að skrá sig fyrir hlutum án atkvæðisréttar er ekki hægt að tala um að eigendur gerninga án atkvæðisréttar séu sviptir honum. Því er aðgreind útgreiðsla vegna gerninga án atkvæðisréttar í félögum sem eru ekki hlutafélög ekki tengd því að atkvæðisrétt vanti á sama hátt og hjá hlutafélögum. Þar að auki, þegar þak er á útgreiðslum vegna gerninga með atkvæðisrétti

(*) Þessi ESB-gerð birtist í Stjtið. ESB L 135, 2.6.2015, bls. 1. Hennar var getið í ákvörðun sameiginlegu EES-nefndarinnar nr. 80/2019 frá 29. mars 2019 um breytingu á IX. viðauka (Fjármálaþjónusta) við EES-samninginn, sjá EES-viðbæti við *Stjórnartíðindi Evrópusambandsins* nr. 44, 2.7.2020, bls. 59.

(¹) Stjtið. ESB L 176, 27.6.2013, bls. 1.

samkvæmt gildandi landslögum ættu aðrar reglur að koma í stað takmörkunar sem er hugsuð fyrir hlutafélög sem tryggja að forgangsréttur til útgreiðslna sé ekki fyrir hendi.

- 5) Ekki er hægt að réttlæta mismunandi meðferð félaga sem eru ekki hlutafélög ef fyrrnefndar stofnanir gefa ekki út fjármagnsgerninga með fyrirframákveðnum mörgum útgreiðslum sem kveðið er á um í samningum eða í samþykktum stofnunarinnar. Ef þær gefa þá út eru sömu vandamál varðandi forgangsrétt til útgreiðslu fyrir hendi og hjá hlutafélögum og því ætti að viðhafa sömu meðferð.
- 6) Þetta ætti ekki að koma í veg fyrir að félög sem eru ekki hlutafélög gefi út aðra fjármagnsgerninga með aðgreindum útgreiðslum að því tilskildu að þau sýni fram á að gerningar þessar skapi ekki forgangsrétt til útgreiðslna. Þessi sönnun ætti að byggjast á mati á stærð útgreiðslna vegna gerninga með atkvæðisrétti og stærð útgreiðslna úr almennum heildareiginfjárgrunni þáttar 1. Stofnunin ætti að sýna fram á að útgreiðslur vegna gerninga með atkvæðisrétti séu lágar með tilvísun til annarra fjármagnsgerninga og að útgreiðsluhlutfall almenns eiginfjárgrunnsgernings þáttar 1 sé lágt.
- 7) Til að félög sem ekki eru hlutafélög geti metið hvort útgreiðsluhlutfallið sé lágt skal koma á viðmiðunarmörkum. Til að taka tillit til þess að útgreiðsluhlutfallið getur sveiflast allt eftir árlegum niðurstöðum ætti þetta viðmiðunarmark að grundvallast á meðaltali næstliðinna fimm ára. Þegar litið er til þess að innleiðing þessarar reglu er nýleg sem og að hún getur haft möguleg eftirköst fyrir sumar þessara stofnana ætti að gefast kostur á að reglurnar um útreikning á hversu hátt útgreiðsluhlutfallið er séu teknar upp í nokkrum þrepum ef nauðsyn krefur. Innleiða má takmarkanir á útgreiðsluhlutfalli smám saman á fyrstu fimm árunum með því að innleiða þær í áföngum til ársloka 2017 en reglan ætti að koma að fullu til framkvæmda hjá öllum stofnunum árið 2018.
- 8) Sum félög sem eru ekki hlutafélög geta ekki gefið út gerninga sem eru jafn sveigjanlegir og almenn hlutabréf þegar um ræðir endurfjármögnun í neyðartilvikum þegar stofnanir falla undir snemmbúnaðarhlutunarráðstafanir. Í þessum tilvikum þyrftu þessar stofnanir að gefa út fjármagnsgerninga til að greiða fyrir endurheimt og því ætti að vera viðeigandi fyrir þessar stofnanir, þar eð gerningar án atkvæðisréttar eru jafnan aðeins í eigu eigenda gerninga með atkvæðisrétt, að selja einnig sérstaklega gerninga án atkvæðisréttar til ytri fjárfesta. Jafnframt ættu fjármagnsgerningar sem notaðir eru vegna endurfjármögnunar í neyðartilvikum að fela í sér möguleika á að nægilegum ávinningi síðar að loknu endurheimtarferlinu. Því ættu þessar stofnanir að geta farið yfir viðmiðunarmörkin sem sett eru á útgreiðsluhlutfallið að endurheimtarferlinu loknu til að eigendur almenns eiginfjárgrunnsgernings þáttar 1 geti notið góðs af mögulega jákvæðum áhrifum sem kveðið er á um að því er varðar endurfjármögnun í neyðartilvikum.
- 9) Lögbærum yfirvöldum er heimilt skv. 10. gr. reglugerðar (ESB) nr. 575/2013 og í samræmi við landslög að veita lánastofnunum sem eru tengdar miðlægum stofnunum undanþágu að öllu leyti eða hluta frá kröfunum sem settar eru fram í hlutum tvö til átta í þeirri reglugerð. Einnig er lögbærum yfirvöldum heimilt samkvæmt sömu grein að veita undanþágu frá beitingu hluta tvö til átta þeirrar reglugerðar að því er varðar miðlægu stofnunina á einingargrunni þegar tengdar stofnanir ábyrgjast til fulls skuldir eða skuldbindingar miðlægu stofnunarinnar. Lögbær yfirvöld ættu að geta veitt undanþágu frá kröfunum um fjármagnsgerninga innan samstæðu á grundvelli þeirrar greinar. Lögbær yfirvöld ættu einnig að geta metið hlítungu við kröfurnar sem þessi reglugerð setur á grunni samstæðustöðu þeirra stofnana sem falla undir gildissvið þessara undanþága, einkum að því er varðar útreikning á útgreiðsluhlutfallinu.
- 10) Reglugerð þessi byggist á drögum að tæknilegum eftirlitsstöðlum sem Evrópska bankaeftirlitsstofnunin hefur lagt fyrir framkvæmdastjórnina.
- 11) Evrópska bankaeftirlitsstofnunin hefur átt opið samráð við almenning um drögin að tæknilegu eftirlitsstöðlunum sem þessi reglugerð byggist á, greint mögulegan tengdan kostnað og ávinning og óskað eftir álitu hagsmunahóps um bankastarfsemi sem komið var á fót með 37. gr. reglugerðar Evrópuþingsins og ráðsins (ESB) nr. 1093/2010 ⁽¹⁾.
- 12) Því ætti að breyta framkvæmdarreglugerð framkvæmdastjórnarinnar (ESB) nr. 241/2014 ⁽²⁾ til samræmis við það.

⁽¹⁾ Reglugerð Evrópuþingsins og ráðsins (ESB) nr. 1093/2010 frá 24. nóvember 2010 um að koma á fót evrópskri eftirlitsstofnun (Evrópska bankaeftirlitsstofnunin), um breytingu á ákvörðun nr. 716/2009/EB og niðurfellingu ákvörðunar framkvæmdastjórnarinnar 2009/78/EB (Stjútíð. ESB L 331, 15.12.2010, bls. 12).

⁽²⁾ Framseld reglugerð framkvæmdastjórnarinnar (ESB) nr. 241/2014 frá 7. janúar 2014 um viðbætur við reglugerð Evrópuþingsins og ráðsins (ESB) nr. 575/2013 að því er varðar tæknilega eftirlitsstaðla fyrir kröfur vegna eiginfjárgrunns stofnana (Stjútíð. ESB L 74, 14.3.2014, bls. 8).

SAMÞYKKT REGLUGERÐ ÞESSA:

1. gr.

Framseldri reglugerð (ESB) nr. 241/2014 er breytt sem hér segir:

1) eftirfarandi 7. gr. a bætist við:

„7. gr. a

Margar útgreiðslur sem mynda hlutfallslega of mikið ústreymi úr eiginfjárgrunni

1. Útgreiðslur vegna almennra eiginfjárgrunngerninga þáttar 1 sem um getur í 28. gr. reglugerðar (ESB) nr. 575/2013 skulu ekki teljast mynda hlutfallslega of mikið ústreymi fjármagns þegar öll eftirfarandi skilyrði eru uppfyllt:

- margfaldi arðurinn er margfeldi útgreiðslunnar vegna gerninga með atkvæðisrétti og er ekki fyrirframákveðin föst fjárhæð,
- margfaldi arðurinn er ákveðinn með samningum eða samkvæmt samþykktum stofnunarinnar,
- margfalda arðinn er ekki hægt að endurmeta,
- sami margfaldi arður gildir um alla gerninga með margfaldan arð,
- fjárhæð útgreiðslu vegna eins gernings með margföldum arði stendur ekki fyrir meira en 125% af útgreiðslufjárhæðinni vegna eins almenns eiginfjárgrunngernings þáttar 1 með atkvæðisrétt.

Þetta skal sýnt á reikniregluformi á eftirfarandi hátt:

$$l \leq 1,25 \times k$$

þar sem:

k skal tákna fjárhæð útgreiðslunnar vegna eins gernings án margfalds arðs,

l skal tákna fjárhæð útgreiðslunnar vegna eins gernings með margföldum arði,

- heildarfjárhæð útgreiðslna vegna allra almennra eiginfjárgrunngerninga þáttar 1 á einu ári er ekki hærri en 105% fjárhæðarinnar sem hefði verið greidd ef gerningar með minni eða engan atkvæðisrétt hefðu fengið sömu útgreiðslu og gerningar með atkvæðisrétti.

Þetta skal sýnt á reikniregluformi á eftirfarandi hátt:

$$kX + lY \leq (1,05) \times k \times (X + Y)$$

þar sem:

k skal tákna fjárhæð útgreiðslunnar vegna eins gerningi án margfalds arðs,

l skal tákna fjárhæð útgreiðslunnar vegna eins gernings með margföldum arði,

X skal tákna fjölda gerninga með atkvæðisrétti,

Y skal tákna fjölda gerninga án atkvæðisréttar.

Beita skal reiknireglunni á ársgrundvelli.

2. Þegar skilyrði f-liðar 1. mgr. eru ekki uppfyllt skulu einungis fjárhæðir gerninga með margfaldan arð, sem eru hærri en skilgreindu viðmiðunarmörkin þar að lútandi, taldir mynda hlutfallslega of mikið ústreymi eigin fjár.

3. Þegar skilyrðin í a- til e-lið 1. mgr. eru ekki uppfyllt skal telja að allir útstandandi gerninga með margfaldan arð valdi hlutfallslega of miklu ústreymi eigin fjár.“

2) eftirfarandi 7. gr. b bætist við:

„7. gr. b

Forgangsúthlutun að því er varðar forgangsrétt til útgreiðslu

1. Fyrir almenna eiginfjárgrunnsgerninga þáttar 1 sem um getur í 28. gr. reglugerðar (ESB) nr. 575/2013 skal telja útgreiðslu vegna almenns eiginfjárgrunnsgernings þáttar 1 vera í forgangi miðað við aðra almenna eiginfjárgrunnsgerninga þáttar 1 þegar um mismunandi stórar útgreiðslur er að ræða nema skilyrði 7. gr. a þessar reglugerðar séu uppfyllt.

2. Fyrir almenna eiginfjárgrunnsgerninga þáttar 1 með minni eða engan atkvæðisrétt sem stofnanir er um getur í 27. gr. reglugerðar (ESB) nr. 575/2013 gefa út, þegar útgreiðslan er margfeldi útgreiðslu gerninga með atkvæðisrétti og að sú margfalda útgreiðsla sé ákveðin samkvæmt samningi eða samþykktum, skal telja að útgreiðslurnar séu ekki í forgangi þegar öll eftirfarandi skilyrði hafa verið uppfyllt:

- a) margfaldi arðurinn er margfeldi útgreiðslunnar vegna gerninga með atkvæðisrétti og ekki fyrirframákveðin föst fjárhæð,
- b) margfaldi arðurinn er ákveðinn í samningum eða samkvæmt samþykktum stofnunarinnar,
- c) margfalda arðinn er ekki hægt að endurmeta,
- d) sami margfaldi arður gildir um alla gerninga með margfaldan arð,
- e) útgreiðslufjárhæðin vegna eins gernings með margföldum arði stendur ekki fyrir meira en 125% af útgreiðslufjárhæðinni vegna eins almenns eiginfjárgrunnsgernings þáttar 1 með atkvæðisrétti.

Þetta skal sýnt á reikniregluformi á eftirfarandi hátt:

$$l \leq 1,25 \times k$$

þar sem:

k skal tákna fjárhæð útgreiðslunnar vegna eins gernings án margfalds arðs,

l skal tákna fjárhæð útgreiðslunnar vegna eins gernings með margföldum arði,

- f) heildarfjárhæð útgreiðslna vegna allra almennra eiginfjárgrunnsgerninga þáttar 1 á einu ári er ekki hærri en 105% fjárhæðarinnar sem hefði verið greidd ef gerningar með minni eða engan atkvæðisrétt hefðu notið sömu útgreiðslu og gerningar með atkvæðisrétti.

Þetta skal sýnt á reikniregluformi á eftirfarandi hátt:

$$kX + lY \leq (1,05) \times k \times (X + Y)$$

þar sem:

k skal tákna fjárhæð útgreiðslunnar vegna eins gernings án margfalds arðs,

l skal tákna fjárhæð útgreiðslunnar vegna eins gernings með margföldum arði,

X skal tákna fjölda gerninga með atkvæðisrétti,

Y skal tákna fjölda gerninga án atkvæðisréttar,

Beita skal reiknireglunni á ársgrundvelli.

3. Þegar skilyrði f-liðar 2. mgr. eru ekki uppfyllt telst einungis sá hluti gerninga með margfaldan arð sem eru hærri en skilgreindu viðmiðunarmörkin í þeim lið vera útilokaður frá almennu eigin fé þáttar 1.

4. Þegar skilyrði a- til e-liðar 2. mgr. eru ekki uppfyllt skal útiloka alla útistandandi gerninga með margfaldan arð frá almennu eigin fé þáttar 1.

5. Að því er varðar 2. mgr. gildir að ef útgreiðsla vegna almenns eiginfjárgrunnsgernings þáttar 1, með eða án atkvæðisréttar, er tilgreind með tilvísun í kaupverð við útgáfu þessa gernings, skal samþykka reiknireglur eins og hér segir fyrir gerninginn eða gerningana sem tilgreindir eru með tilvísun til kaupverðs við útgáfu:

- a) *l* skal tákna fjárhæð útgreiðslu vegna eins gernings án margfalds arðs, deilt með kaupverði við útgáfu þess gernings,
- b) *k* skal tákna fjárhæð útgreiðslu vegna eins gernings með margfaldan arð, deilt með kaupverði við útgáfu þess gernings.

6. Fyrir almenna eiginfjárgrunnsgerninga þáttar 1 með minni eða engan atkvæðisrétt sem stofnanir er um getur í 27. gr. reglugerðar (ESB) nr. 575/2013 gefa út, þegar útgreiðslan er ekki margfeldi útgreiðslu gerninga með atkvæðisrétti, skal ekki telja útgreiðslur í forgangi þegar annaðhvort skilyrðið sem um getur í 7. mgr. eða bæði skilyrðin sem um getur í 8. mgr. hafa verið uppfyllt.

7. Að því er varðar 6. mgr. gilda annaðhvort eftirfarandi skilyrði a- eða b-liðar:

- a) skilyrði beggja eftirfarandi i. og ii. liðar eru uppfyllt:
 - i. einungis eigendur gerninga með atkvæðisrétti geta verið áskrifendur að og átt gerning með minni eða engan atkvæðisrétt,
 - ii. fjöldi atkvæðisréttar einstakra eiganda er takmarkaður,
- b) útgreiðsla vegna gerninga með atkvæðisrétti sem stofnanirnar gefa út falla undir þak sem sett er fram í gildandi innlendum lögum.

8. Að því er varðar 6. mgr. skulu bæði eftirfarandi skilyrði gilda:

- a) stofnunin sýnir fram á að meðaltal útgreiðslna vegna gerninga með atkvæðisrétti á undangengnum fimm árum er lágt í tengslum við aðra sambærilega gerninga,
- b) stofnunin sýnir fram á að hlutfall útgreiðslu sé lágt, þar sem úthlutunarhlutfallið er reiknað út í samræmi við 7. grein c. Úthlutunarhlutfall undir 30% skal talið vera lágt.

9. Að því er varðar a-lið 7. mgr. skal atkvæðisréttur einstaks eiganda vera talinn takmarkaður í eftirfarandi tilvikum:

- a) þegar hver eigandi fær einungis einn atkvæðisrétt án tillits til fjölda gerninga með atkvæðisrétt fyrir hvern eiganda,
- b) þegar hámark er sett á heildarfjölda atkvæðisréttar án tillits til þess hve marga gerninga með atkvæðisrétt hver eigandi ræður yfir,
- c) þegar fjöldi gerninga með atkvæðisrétti sem eiganda er heimilt að ráða yfir er takmarkaður samkvæmt samþykktum stofnunarinnar eða gildandi innlendum lögum.

10. Að því er varðar þessa grein skal telja að eins árs tímabilinu ljúki á dagsetningu síðustu reikningsskila stofnunarinnar.

11. Stofnanir skulu meta hlífingu við skilyrðin sem um getur í 7. og 8. mgr. og tilkynna lögbæra yfirvaldinu um niðurstöðu matsins, að minnsta kosti við eftirfarandi aðstæður:

- a) ávallt þegar tekin er ákvörðun um fjárhæð útgreiðslu vegna almenns eiginfjárgrunnsgernings þáttar 1,
- b) ávallt þegar gefinn er út nýr flokkur almenns eiginfjárgrunnsgernings þáttar 1 með minni eða engan atkvæðisrétt.

12. Þegar skilyrði f-liðar 8. mgr. eru ekki uppfyllt skal einungis telja að fjárhæðir gerninga með engan atkvæðisrétt, þar sem útgreiðslur eru hærrí en viðmiðunarmörkin sem þar eru skilgreind, hafi í för með sér forgangsútgreiðslur.

13. Þegar skilyrði a-lið 8. mgr. eru ekki uppfyllt skal telja að útgreiðslur vegna allra útistandandi gerninga án atkvæðisréttar séu í forgangi nema þær uppfylli skilyrði 2. mgr.

14. Þegar hvorugt skilyrðanna í 7. mgr. er uppfyllt skal telja að allar útistandandi úthlutanir vegna gernings án atkvæðisréttar séu í forgangi nema þær uppfylli skilyrðin í 2. mgr.

15. Veita má undanþágu frá kröfunni sem um getur í i. lið a-lið 7. mgr. eða kröfunni sem um getur í b-lið 8. mgr. eða báðum, eins og við á, þegar bæði eftirfarandi skilyrði eru uppfyllt:

- a) stofnunin brytur í bága við, eða þegar líklegt er að hún brjóti í bága við kröfur reglugerðar (ESB) nr. 575/2013, m.a. vegna hríðversnandi fjárhagsaðstæðna, í náinni framtíð,
- b) lögbæra yfirvaldið hefur óskað eftir að stofnunin auki þegar í stað almennt eigið fé þáttar 1 innan tiltekins tíma og hefur metið svo að stofnunin geti ekki leiðrétt eða komið í veg fyrir brotið sem um getur í a-lið innan þess tiltekins tíma, án þess að grípa til undanþágunnar sem um getur í þessari málsgrein.“

3) eftirfarandi 7. gr. c bætist við:

„7. gr. c

Útreikningur á greiðsluhlutfalli að því er varðar b-lið 8. mgr. 7. gr. b

1. Að því er varðar b-lið 8. mgr. 7. gr. b skulu stofnanir velja aðra hvora leiðina sem lýst er í a- eða b-lið til að reikna út greiðsluhlutfallið. Stofnunin skal fylgja þeirri leið sem valin er á samræmdan hátt yfir lengri tíma.

- a) þegar summa útgreiðslna sem tengjast heildargerningum almenns eiginfjárgrunns þáttar 1 á síðustu fimm ára tímabilum, deilt með summu hagnaðar sem tengist síðustu fimm ára tímabilum,
- b) aðeins fyrir tímabilið frá gildistökudegi þessarar reglugerðar fram til 31. desember 2017:
 - i. árið 2014, þegar summa útgreiðslna sem tengjast heildargerningum almenns eiginfjárgrunns þáttar 1 á síðasta eins árs tímabili, deilt með summu hagnaðar sem tengist síðasta eins árs tímabili,
 - ii. árið 2015, þegar summa úthlutunar sem tengist heildargerningum almenna eiginfjárgrunns þáttar 1 á síðustu tveggja ára tímabilum, deilt með summu hagnaðar sem tengist síðustu tveggja ára tímabilum,
 - iii. árið 2016, þegar summa úthlutunar sem tengist heildargerningum almenns eiginfjárgrunns þáttar 1 á síðustu þriggja ára tímabilum, deilt með summu hagnaðar sem tengist síðustu þriggja ára tímabilum,
 - iv. árið 2017, þegar summa úthlutunar sem tengist heildargerningum almenns eiginfjárgrunns þáttar 1 á síðustu fjögurra ára tímabilum, deilt með summu hagnaðar sem tengist síðustu fjögurra ára tímabilum.

2. Að því er varðar 1. mgr. merkir hagnaður fjárhæðina sem greint er frá í röð 670 í 2. sniðmáti III. viðauka við framkvæmdarreglugerð framkvæmdastjórnarinnar (ESB) nr. 680/2014 (*) eða, þegar við á, fjárhæðina sem greint er frá í röð 670 í 2. sniðmáti IV. viðauka við þá framkvæmdarreglugerð framkvæmdastjórnarinnar að því er varðar skýrslugjöf stofnana til eftirlitsyfirvalda samkvæmt reglugerð (ESB) nr. 575/2013.

(*) Framkvæmdarreglugerð framkvæmdastjórnarinnar (ESB) nr. 680/2014 frá 16. apríl 2014 um tæknilega framkvæmdarstaðla að því er varðar skýrslugjöf stofnana til eftirlitsyfirvalda samkvæmt reglugerð Evrópuþingsins og ráðsins (ESB) nr. 575/2013 (Stjtíð. L 191, 28.6.2014, bls. 1).“

4) eftirfarandi 7. gr. d bætist við:

„7. gr. d

Forgangsgreiðslur að því er varða röð greiðslna

Að því er varðar 28. gr. reglugerðar (ESB) nr. 575/2013 skal telja útgreiðslu vegna almenns eiginfjárgrunnsgernings þáttar 1 vera í forgangi miðað við aðra almenna eiginfjárgrunnsgerninga þáttar 1 og sem varða röð greiðslna þar sem að minnsta kosti eitt af eftirfarandi skilyrðum er uppfyllt:

- a) útgreiðslur eru ákveðnar á mismunandi tímum,
- b) útgreiðslur eru greiddar á mismunandi tímum,

- c) útgefandinn hefur þá skuldbindingu að inna af hendi útgreiðslu vegna einnar tegundar af almennum eiginfjárgrunnsgeringum þáttar 1 áður en hann innir af hendi útgreiðslu annarrar tegundar almennra eiginfjárgrunnsgeringa þáttar 1,
- d) útgreiðslan er innt af hendi vegna sumra almennra eiginfjárgrunnsgeringa þáttar 1 en ekki öðrum nema skilyrði a-liðar 7. mgr. 7. gr. b séu uppfyllt.“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. janúar 2015.

Fyrir hönd framkvæmdastjórnarinnar,

Jean-Claude JUNCKER

forseti.
